

YANGI O‘ZBEKISTON

Ijtimoiy-siyosiy gazeta

№ 108 (1169), 2024-yil 2-iyun, yakshanba



www.yuz.uz



yuz.uznews



yuz_official



yuz.uz_news



yuz



BUXORONING KATTA IQTISODIY SALOHİYATINI TO‘LIQ ISHGA SOLISH ORQALI ODAMLARGA MUNOSIB SHAROIT YARATIB, XALQNI ROZI QILISH — ASOSIY VAZIFA

O‘zbekiston Respublikasi Prezidenti Shavkat Mirziyoyev 31-may – 1-iyun kunlari Buxoro viloyatida bo‘ldi.



Tashrifing ikkinchi kuni G‘ijduvon tumanida Buxoro viloyatini iqtisodiy-ijtimoiy rivojlantirish masalalari bo‘yicha yig‘ilish bo‘lib o‘tdi.

Prezident Shavkat Mirziyoyev so‘zining boshida hududdagi o‘zgarishlarni qayd etdi.

So‘nggi yillarda viloyat iqtisodiyoti 1,5 barobar o‘rib, 53 trillion so‘mdan oshgan, aholi jon boshiga 26 million so‘mni tashkil etgan. Sanoat, qishloq xo‘jaligi va xizmat ko‘rsatishda 4 ming 600 ta korxonaga tashkil etilib, 90 mingta ish o‘rni yaratilgan. Ekspart 215 million dollarga yetgan. Qorako‘l, Jondor, Shofirkon va Kogon tumanlarining har birida sanoat hajmi yiliga 1 trillion so‘mdan oshgan.

— Iqtisodiyotni izchil rivojlantirib, yana ish joylari ochish, yoshlarni bilimli va kasbli qilish bo‘yicha hali ko‘p ishlash kerak. “Oyog‘imiz ostida” imkoniyatlar turibdi. Ulardan foydalanib, 544 ta mahalladagi 2 milliondan ziyod aholining sharoitini yanada yaxshilash zarur. Buning uchun har bir tizim har kuni mehnat qilishi, izlanishi kerak, — dedi Prezident.

Ishsiz, kam daromadli va chet elda qiyinchilikka uchragan odamlarga munosib sharoit yaratib, ishli qilish hokimlar va sektor rahbarlari uchun strategik vazifa ekanini ta‘kidlandi.

Shu bois, Buxoroda bu yil kichik biznesga 5,9 trillion so‘mga qo‘shimcha yana 2,1 trillion so‘m kredit berilishi aytiladi. Buxorodagi kichik biznes, turizm va servis uchun yana 100 million dollar alohida ajratiladi. Bular orqali iyun-dekabr oylarida 78 ming aholining bandligini ta‘minlash mumkin.

Odamlarni ishli qiladigan katta imkoniyat sanoat zonalarida. Kogon tumanida ming gektarda yirik sanoat majmuasi barpo etilmoqda. Birinchi bosqichda 300 million dollarlik loyiha amalga oshiriladi. Bu viloyat iqtisodiyotiga yiliga 250 million dollar qo‘shilgan qiymat, 2 mingta ish o‘rni, 250 milliard so‘m soliq tushumi va 100 million dollar eksport beradi.

Elektr texnikasi tarmog‘ida bu yil Buxoro shahri va Qorovulbozorda 50 million dollarlik 3 ta yirik quvvat ishga tushadi. Temir-beton mahsulotlari chiqaradigan zavod quriladi. Buxoroning tarixiy qismida zargarlik markazi tashkil etiladi.

Investitsiya loyihalari infratuzilmasiga 200 milliard so‘m ajratilishi belgilandi. Natijada 405 million dollarlik 5 ta loyihaning ishga tushishi tezlashadi.

Masalan, Buxoro tumanidagi neft-kimy o klasterida benzol, olefin, aromatik uglevodorod,

naftadan pentan va geksan eritgichlari ishlab chiqariladi. 4,5 trillion so‘mlik qo‘shilgan qiymat, 130 million dollar eksport tushumi va 600 ta yuqori daromadli ish o‘rni ochiladi.

Viloyat sanoat korxonalarining kooperatsiya xaridlaridagi o‘rni kamligi ko‘rsatib o‘tiladi. Mutasaddilarga ishlab chiqaruvchilarning davlat xarididagi ishtirokini kengaytirish bo‘yicha topshiriq berildi. Shu maqsadda Kooperatsiya portalida haqiqiy ishlab chiqaruvchilar qatnashadigan tartib qilinib, korxonalar reyestri va yillik quvvati yangilab boriladi.

Buxoroda yiliga 5 million xorijiy sayyohni jalb etish uchun sharoit yaratilmoqda. Shahar markazida Boqiy Buxoro madaniy etnografik parki va yangi aeroport qurilishi boshlandi. Shu bilan birga, viloyatdagi 30 ta tarixiy yodgorlikni ta‘mirlash bo‘yicha ko‘rsatma berildi. Zarafshon daryosi bo‘yida sayilgoh tashkil qilish, To‘dako‘l suv havzasi bo‘yida dam olish maskanlarini ko‘paytirish zarurligi aytiladi.

Hukumatga ulug‘ ajdodlarimiz boy merosini chuqur o‘rganish, obidalar atrofida turizm kontentini ko‘paytirish bo‘yicha dastur ishlab chiqish vazifasi qo‘yildi.

Qishloq xo‘jaligida ham foydalanilmagan imkoniyatlar ko‘p. Viloyatda ip-kalavanning

57 foizi mato qilinayapti, qolgan xomashyo shaklida 4 barobar arzon sotilyapti. Yoki viloyatda 1 million 200 ming tonna mevasabzavot yetishtirilsa-da, eksporti ko‘p emas. Sababi — mevasabzavotlarni sotish joylari hal qilinmagan, ularni qadoqlash tizimi yo‘q.

Qorako‘l erkin iqtisodiy zonasining 30 gektarda texnopark tashkil qilib, mazkur tarmoqlardagi korxonalarini joylashtirish bo‘yicha ko‘rsatma berildi. Xususan, binolar aralash gazlama va bo‘yoq xonaga moslab quriladi, chet ellik va mahalliy hamkorlarga qulay shartlarda tayyor holda topshiriladi. Bu bir yilda to‘liq qayta ishlash tizimiga o‘tib, eksportni ikki barobar oshirishga turtki beradi.

Rossiyaning Nijegorod viloyati va Penza shahrida Buxoro viloyatining bozorlari barpo etiladi.

Irrigatsiya masalalariga to‘xtalinar ekan, viloyatda suv yetkazish xarajatining 87 foizi elektr energiyasiga to‘g‘ri kelayotgani qayd etildi. Nasoslar energotejamkorligiga almashtirilsa, yiliga kamida 400 milliard so‘mni iqtisod qilish mumkinligi aytiladi.

Davlatimiz rahbari yig‘ilish G‘ijduvon tumanida bo‘layotganiga e‘tibor qaratib, g‘ijduvonliklarning ishbilarmonligini ta‘kidladi.

So‘nggi yillarda tuman sanoati 2 karra o‘rib, 2 trillion so‘mdan oshgan. Shu vaqtda 2 mingdan ziyod yangi tadbirkor ish boshlagan. Bu sur‘atni davom ettirgan holda tadbirkorlarni eksportga yo‘naltirish, xonadonlardagi kichik ishlab chiqarishlarni “soyadan” chiqarish, yoshlarga kasb o‘rgatish, zamonaviy shifoxona qurish vazifalari belgilandi.

G‘ijduvonlik tadbirkorlar 10-11-sinf o‘quvchilari va kollej talabalariga darsdan so‘ng kasb o‘rgatib, 2 million so‘mgacha oylik to‘lash, bepul tushlik va tekin avtobus bilan ta‘minlash taklifini bildirdi. Prezident bu taklifni ma‘qullab, xayrli tajribaga aylantirish kerakligini ta‘kidladi. Umuman, G‘ijduvonning o‘zida 25 ming ish o‘rni, qo‘shimcha 50 million dollar eksport imkoniyati borligi ko‘rsatib o‘tiladi.

Yig‘ilishda hokimlar va sektor rahbarlarining axboroti, tadbirkorlarning takliflari eshitildi. Shundan so‘ng Prezident Shavkat Mirziyoyev “G‘ijduvon ipak tola” korxonasi faoliyatini tanishtirdi.

Mamlakatimiz ipak sanoatida ham klaster tizimi joriy etildi. Jumladan, 74 ta pilla-ipakchilik klasteri va 11 ta urug‘chilik korxonasi tashkil qilindi. Tut maydonlari 40 ming gektardan 55 ming gektarga kengaydi. Bularning

natijasida pilla yetishtirish hajmi 2,5 barobar, ipak mahsuloti eksporti 3 barobar ko‘paydi.

“G‘ijduvon ipak tola”da ham klaster tizimi yo‘lga qo‘yilib, yiliga 48 tonna xom ipak va 28 tonna ipak momig‘i ishlab chiqarish quvvati yaratilgan. Unga G‘ijduvon va Shofirkon tumanlari birlashtirilgan bo‘lib, ozuqa bazasi uchun o‘tgan yili 2 million 300 ming tup tut ko‘chatlari ekilgan. Ikki tumanda 28 ming nafar aholi ish bilan ta‘minlangan.

Korxonada pilla xomashyosi to‘liq qayta ishlanadi. Joriy yil ikki marta hosil olinib, 842 tonna pilla xomashyosi yetishtirildi. Bu 104 milliard so‘mlik mahsulot ishlab chiqarish hamda 4 million dollardan ziyod eksport qilish imkonini beradi.

Davlatimiz rahbari pilla qurtxonasi va hosilini ko‘zdan kechirdi. Pilla genetikasini rivojlantirib, sifat toifasini oshirish, klasterlar faoliyatiga ilmi olib kirish zarurligini ta‘kidladi. Namunalari klasterlarda boshqa pillakorlarni o‘qitib, ilg‘or texnologiyalarni ommalashtirish bo‘yicha ko‘rsatma berildi.

Shu bilan Prezident Shavkat Mirziyoyevning Buxoro viloyatiga tashrifi yakunlandi.

O‘za

O‘zbekiston Respublikasi Prezidenti Matbuot xizmati suratlari.

INSON QADRI UCHUN

Ertalab ishga shoshib kelayotib ba‘zida yo‘lda ko‘zi ojiz yoki tayanch-harakat tizimi muammosi tufayli hassaga tayanib ketayotgan yoxud aravachada harakatlanayotganlarni uchratamiz. Ko‘p hollarda yonida hamrohi bo‘ladi, ba‘zida manzil sari yolg‘iz ketayotganlarni ham ko‘ramiz. Shunda insoniylik nuqtayi nazaridan ularga hamrohlik qilib uzog‘ini yaqinlashtirishga chog‘lanamiz: aravachasini avtobusga chiqarish yoki tushirish, yo‘llardan o‘tish, metrogaga tushishda ko‘mak bergan bo‘lamiz. Shu bilan ularning oldida burchimizni bajargandek his qilib, ko‘nglimiz biroz taskin topadi va yo‘limizda davom etamiz.



IJTIMOIIY DAVLAT MAQOMI MAS‘ULIYATI

Nogironligi bor shaxslarning huquq va manfaatlarini qanday ta‘minlayapti?

Aslida, nogironligi bo‘lgan shaxslarga shu e‘tiborimiz yetarlimi yoki ularga achinish hissi bilan yondashish to‘g‘rimi? Bundaylar jamiyatning sog‘lom a‘zolari bilan bir safda, orzu-niyati, intilishlarini ro‘yobga chiqarish imkoniga ega bo‘lishi uchun zimmasizmi? Bu savollar haqida doim ham o‘ylab ko‘ravermaymiz. Ammo bugun nogironligi bor shaxslarning ijtimoiy-iqtisodiy muhofazasi bilan bog‘liq jarayonlar jahon hamjamiyatini tobora ko‘proq tashvishga solayotgani masalaga yangicha nioh bilan qarashni taqozo etayotir.

Davomi 3-beta

Millat fidoyilari

Jadid o‘giti: “YURT OBRO‘SIN YOSHLAR SAQLAR”



6

INSON QADRI UCHUN

IJTIMOIY DAVLAT MAQOMI MAS'ULIYATI

Nogironligi bor shaxslarning huquq va manfaatlarini qanday ta'minlaymiz?



Bahor XIDIROVA, "Yangi O'zbekiston" muxbiri

Boshlanishi 1-betda

BMTning dunyo miqyosida aholining ushbu toifasi to'g'risidagi ma'lumotlari va ularni qiyayotgan muammolarga doir raqamlari fikrimiz isbotidir. Ushbu tashkilot ma'lumotlarida qayd etilishicha, bugun dunyo aholisining 10 foizga yaqini nogironligi bo'lganlar. Demografik o'sish, tibbiyot yutuqlari va aholining qarish jarayoni natijasida bu ko'rsatkich muntazam o'sib bormoqda.

Qolaversa, nogironlik ko'pincha ta'lim darajasi eng past aholi qatlamida uchraydi. Bunday qatlamdagi nogironlikning o'rtacha ulushi 19 foizni, ta'lim darajasi yuqori bo'lgan aholi o'rtasidagi ko'rsatkich esa 11 foizni tashkil etadi. Bundan tashqari, besh yoshgacha bo'lgan bolalarning o'lim ko'rsatkichida nogironligi borlarning ulushi yuqori.

Bu raqamlar har qanday insonni bezovta qilmay qolmaydi. Shu bois, aholining ushbu toifasiga e'tibor va ko'makni kuchaytirish, ta'lim olishi, jamiyatda o'z o'rnini egallashi, hamma qatori turmush kechirishi uchun zarur sharoit yaratish har qachongidan ham dolzarb. Jahon hamjamiyati bu borada qator chora-tadbirlarni ko'rmoqda. Jumladan, BMTning Nogironlar huquqlari to'g'risidagi konvensiyasini qator davlatlar ratifikatsiya qilgan va unda belgilangan vazifalar ijrosi doirasida tizimli ishlar bajarilayapti.

Ijtimoiy davlat tamoyili — amalda

Yangi tahrirdagi Konstitutsiyada ijtimoiy davlat maqomini zimmasiga olgan O'zbekiston uchun ham bu tamoyillarni ro'yobga chiqarish ustuvor ahamiyat kasb etadi. Jumladan, Konstitutsiyamizga muvofiq, mehnatga layoqatsiz va yolg'iz keksalar, nogironligi bo'lgan shaxslar hamda aholining ijtimoiy jihatdan ehtiyojmand boshqa toifalari huquqlari davlat himoyasida. Shunga muvofiq, davlat nogironligi bo'lgan shaxslarning ijtimoiy, iqtisodiy va madaniy sohalar obyektlari, xizmatlaridan to'laqonli foydalanishi uchun shart-sharoit yaratishi, ishga joylashishi, ta'lim olishiga ko'maklashishi, zarur axborotni to'g'rilik bilan olishi uchun imkoniyat yaratishi zarur.

Hozir yurtimizda 1 millionga yaqin nogironligi bo'lgan shaxs, jumladan, 100 mingdan ortiq 16 yoshgacha nogironligi bo'lgan bola istiqomat qilmoqda. Inson qadri, huquq va manfaatlarini ta'minlash davlat siyosatining ustuvor yo'nalishi etib belgilangan mamlakatimizda barcha fuqaro kabi nogironligi bo'lganlarning jamiyat hayotidagi hamma sohada ishtirok etishi uchun zarur sharoit yaratilmoqda. 2020-yili "Nogironligi bo'lgan

shaxslarning huquqlari to'g'risida"gi qonun imzolangan bo'lib boradagi ishlarni jadallashtirdi. Mazkur huquqiy hujjat bilan imkoniyati cheklanganlarni ijtimoiy himoya qilish va huquqlarini kafolatlashga oid qator masalalar qonun darajasida belgilandi.

2021-yili O'zbekiston parlamenti BMTning Nogironlar huquqlari to'g'risidagi konvensiyasini ratifikatsiya qildi. Shu bilan birga, yurtimizda barcha fuqaro, shu jumladan, nogironligi bo'lganlar uchun bir xil imkoniyat amal qiladigan inklyuziv jamiyat barpo etish bo'yicha kompleks chora-tadbirlar ko'rilayapti. Nogironlikni belgilashning allaqachon eskirgan tibbiy modelidan umum'e'tirof etilgan ijtimoiy modeliga bosqichma-bosqich o'tish ko'zda tutilgan.

Nogironligi bo'lgan shaxslar huquqlarini ta'minlash bo'yicha milliy institutsional tuzilma tubdan isloh etilib, hukumat huzurida doimiy faoliyat yurituvchi Nogironligi bo'lgan shaxslar ishlari bo'yicha idoralararo kengash tashkil qilindi. Mazkur kengash nogironligi bo'lganlarning huquqlarini ta'minlash sohasida davlat siyosati yuritish, mahalliy davlat hokimiyati organlari faoliyatini muvofiqlashtirish, bu yo'nalishdagi dasturlarni amalga oshirishda ishtirok etish, ushbu shaxslarni o'qitish, kasbga tayyorlash, qayta tayyorlash, malakasini oshirish, mehnat qilishi va bandligiga ko'maklashish, jamiyat va davlat hayotida to'la huquqli ishtirok etishi uchun qulay sharoit yaratish borasida ishlamoqda.

Bu toifadagi shaxslarni hayotga moslashtirish va ijtimoiy reabilitatsiya qilish borasida ham katta ishlar bajarilmoqda. Masalan, qator tibbiy-ijtimoiy muassasalar rekonstruksiyasi qilinib, zamonaviy talablar mos yangi davolash-reabilitatsiya o'rinlari foydalanishga topshirildi. Bundan tashqari, bepul beriladigan protez-ortopediya buyumlari va reabilitatsiya texnik vositalari ro'yxati kengaytirildi. Xalq ta'limi tizimida inklyuziv ta'limni rivojlantirish dasturi amaliyotga tatbiq etila boshladi.

Maktablarda imkoniyati cheklangan bolalarning bilim olishi uchun zarur sharoit yaratildi. O'z navbatida, bu yo'nalishda qilinayotgan ishlar nogiron yigit-qizlarning hech kimdan kam bo'lmay voyaga yetishi va jamiyatda o'z o'rnini topishiga xizmat qilyapti.

Nogironligi bo'lgan yoshlarning sifatli ta'lim olishi uchun teng imkoniyat ko'lami yildan yilga kengaymoqda. Kasb-hunarga o'qitish va munosib ish o'rinlari yaratish orqali ularning daromadini ko'paytirishga qaratilgan chora-tadbirlar kuchaytirilayapti. Shu bilan birga, ularning salomatligini asrash, tibbiy xizmat ko'rsatish ishlari tizimli davom ettirilmoqda.

Imkoniyati cheklangan fuqarolar mamlakatimizning ijtimoiy, iqtisodiy va siyosiy hayotida faol qatnashishi uchun "to'siqsiz muhit", ya'ni qulay sharoit yaratilayapti. Jumladan, yangi barpo etiladigan davlat idoralari binolari, ijtimoiy obyektlar, bog' va parklar, jamoat transportida maxsus infratuzilma yaratish, davlat xizmatlari ko'rsatish tizimini nogironligi bo'lganlarga moslashtirish bo'yicha choralar ko'rilayotir. Ular uchun maxsus axborot



portallari, teleko'rsatuvlar, adabiyotlar va kutubxonalar soni ko'paytirilayapti.

Davlatimiz rahbarining 2023-yil 1-iyundagi "Aholiga sifatli ijtimoiy xizmat va yordam amalga oshirishda samarali nazorat tizimini yo'lga qo'yish bo'yicha kompleks chora-tadbirlar to'g'risida"gi farmoniga muvofiq, Prezident huzurida Ijtimoiy himoya milliy agentligi tashkil etilgan bo'lib jahdagi ishlar rivojida yana bir muhim qadam bo'ldi. Mazkur agentlik nogironligi bo'lgan shaxslar bilan ishlash tizimini takomillashtirish yo'nalishida ham tegishli chora-tadbirlar ko'rmoqda.

2024-yil 20-fevralda Prezidentimiz raisligida ijtimoiy himoya sohasidagi ustuvor

bo'lgan shaxslar uchun mehnat bozorida talab yuqori kasblar, xorijiy til, kompyuter savodxonligi va dasturlash asoslari bo'yicha o'quv kurslari doimiy tashkil etib kelinmoqda.

Nogironlar jamiyatdagi ta'limi sohasida kasb-hunarga o'qitilayotgan bo'lib toifadagi shaxslarga nogironlik nafaqasi bilan bir vaqtda Bandlikka ko'maklashish jamg'armasidan bazaviy hisoblashning 2 barabari miqdorida har oylik rag'bat puli to'lanmoqda.

Ayni paytda barcha darajadagi rahbarlar va davlat idoralari mas'ullari tomonidan nogironligi bo'lgan shaxslarning muammolarini o'rganish va hal qilish bo'yicha doimiy muloqot tizimi yo'lga qo'yilib, tizimli ishlar davom ettirilayapti.

NNTlarning o'rnini qanday bo'lmoqda?

Yaqin-yaqingacha mamlakatimizda saksonga yaqin NNT nogironligi bor shaxslarning muammosi bilan shug'ullanar, har biri o'z yo'nalishi bo'yicha alohida faoliyat yuritardi. NNTlar o'rtasida o'zaro bog'liqlik, xabardorlik yo'q edi. Bu esa tegishli vazifalar samarali yechim topishi va muammolarga jamoatchilikning e'tiborini to'la jalb etishga to'siqlik qilardi. Shu muammolarni bartaraf etish va sa'y-harakatlarni birlashtirish maqsadida 2018-yilda O'zbekiston nogironlar assotsiatsiyasi tashkil etildi. Hozir assotsiatsiya tizimida 44 ta NNT faoliyat yuritayapti. Bu birlashuv nogironligi bo'lgan shaxslarning ijtimoiy-iqtisodiy masalalarini davlat va xalqaro tashkilotlar oldida ifoda etishda yakdillik bilan ish yuritishga zamin yaratmoqda.

Bugun Qoraqalpog'iston Respublikasi, Toshkent shahri va viloyatlarda assotsiatsiyaning hududiy bo'limlari faoliyat yo'lga qo'yilgan. O'zbekiston nogironlar assotsiatsiyasi o'zining rasmiy veb-sayti, ijtimoiy tarmoqlardagi sahifalariga ega. Bu sohaga oid yangiliklarni ommaga keng taqdim etish, uyushma amalga oshirayotgan loyihalarni izchil targ'ib etishda qulay imkoniyat yaratmoqda.

Assotsiatsiya raisi Oybek Isoqovning aytishicha, tashkilot olti yo'nalishda ish yuritayapti. Qonunlar qabul qilish jarayonida ishtirok etish tuzilma faoliyatining muhim yo'nalishidir. O'tgan yili assotsiatsiya mutaxassislari bo'labo'lab qator tadbirlar va yig'ilishlarda ishtirok etib, tegishli sohalar yuzasidan taklif va tavsiyalarini berdi. Xususan, Konstitutsiyaviy komissiyaga nogironlar huquqlarini himoya qilishga doir 24 ta taklif yubordi. Ularning 7 tasi yangi tahrirdagi Konstitutsiyaga kiritildi. Bundan tashqari, qator qonun va boshqa huquqiy hujjatlar loyihalari ishlab chiqishda takliflar berdi. Jumladan, o'ttizga yaqin me'yoriy hujjat loyihalari taqdim etildi. Ulardan salmoqli qismi qonun hujjatlarimizdan joy oldi.

"Jamoatchilik nazorati to'g'risida"gi qonunga muvofiq, O'zbekiston nogironlar

assotsiatsiyasi Toshkent shahridagi davlat xizmatlari markazlarida nogironligi bo'lgan shaxslar foydalanishi uchun to'siqsiz muhit mavjudligi bo'yicha qator jamoat monitoringlari o'tkazdi va ular uchun davlat xizmatlaridan foydalanish imkoniyatini kengaytirish bo'yicha tavsiyalar berdi.

"Do'stlik-Qo'lyiq" yer usti metro yo'nalishining "Matonat" bekatida o'tkazilgan jamoatchilik nazoratida panduslar yo'qligi aniqlandi. Platformada piyodalar o'tish yo'yi va eshitish qobiliyati zaiflar uchun ko'rsatuvchi tablo yo'qligiga ham e'tibor qaratildi. Bunday o'rganishlar nafaqat poytaxtimizda, balki yurtimizning turli hududida o'tkazilib, aniqlangan kamchiliklarni bartaraf etish

inshootlarini foydalanishga qabul qilish bo'yicha komissiyalar tarkibiga Nogironlar assotsiatsiyasi vakillari ham kiritilgan bo'lib jahdada katta qadam bo'ldi. Hozir assotsiatsiya mutaxassislari bu yo'nalishda faol ishlayapti.

Oybek Isoqovning aytishicha, ba'zida joylardagi mutasaddilar assotsiatsiyaning hududiy bo'limlari rahbarlariga bu masalada qo'ng'iroq qilib, bosim o'tkazish holatlari ham uchramoqda. Ammo assotsiatsiya mas'ullari ularga yon berish niyatida emas. Chunki bu inson huquqi va manfaatiga jiddiy to'g'anoq bo'ladi. Aholining eng ehtiyojmand qatlami — nogironligi bo'lgan shaxslarning davlat siyosatidan ko'ngli to'lmiligiga olib keladi.



bo'yicha tegishli taklif va tavsiyalar berilyapti.

Nogironligi bo'lgan shaxslar huquqlari to'g'risidagi konvensiya asoslari va NNTlar salohiyatini oshirishga oid loyiha bo'yicha hududlarda treninqlar o'tkazildi. Bu jarayonda nogironlikka yondashuv, konvensiya normalari bo'labo'lab NNTlar ishtiroki, davlat dasturlarini amalga oshirishda davlat organlari bilan hamkorlikning huquqiy asoslari kabi masalalar muhokama qilindi.

Assotsiatsiya xalqaro hamkorlikni rivojlantirishga ham doimiy e'tibor qaratmoqda. O'tgan yili bu yo'nalishda tegishli davlat muassasalari va xalqaro tashkilotlar ishtirokida ko'plab tadbirlar, jamoatchilik muhokamalari o'tkazildi.

Jamiyatda nogironligi bo'lgan shaxslarga nisbatan qarashlarni o'zgartirish ham assotsiatsiya faoliyatining ustuvor yo'nalishlaridan. Bugun aksariyatimiz bunday toifadagi insonlarga "yordamga muhtoj qatlam", degan nigoh bilan qaraymiz. Katta konsert zallarida o'tayotgan tomoshalarga yetib borolmayotgan imkoniyati cheklanganlar ham bu holat uchun o'zini aybdor his qiladi. Holbuki, buning uchun ularga yetarli sharoit — panduslar, yo'lakchalar va boshqa imkoniyat yaratib bera olmayotgan jamiyat bu masalada ko'proq javobgar.

Hozir yurtimizda bu borada o'ziga xos sa'y-harakatlar boshlandi. Bino va inshootlar qurish, rekonstruksiya qilish, jamoat transporti, axborot va aloqa vositalari ishlab chiqarishda nogironligi bo'lgan shaxslarning hech bir moneliksiz foydalana olishiga birlamchi ahamiyat qaratilayapti. Joriy yildan boshlab yangidan barpo etilgan qurilish



